

KOMMISJONSAVGJERD

2016/EØS/65/40

av 8. november 2010

om endring av vedtak 95/467/EF om gjennomføring av artikkel 20 nr. 2 i rådsdirektiv 89/106/EØF om byggjevarer

[meld under nummeret K(2010) 7542]

(2010/679/EU)(*)

EUROPAKOMMISJONEN HAR —

med tilvising til traktaten om verkemåten til Den europeiske unionen,

med tilvising til rådsdirektiv 89/106/EØF av 21. desember 1988 om tilnærming av medlemsstatenes lover og forskrifter om byggevarer⁽¹⁾, særleg artikkel 13 nr. 4 bokstav a),

etter samråd med Det faste byggeutvalet og

ut frå desse synsmåtene:

- 1) Kommisjonen gjorde 24. oktober 1995 vedtak 95/467/EF om gjennomføring av artikkel 20 nr. 2 i rådsdirektiv 89/106/EØF om byggjevarer⁽²⁾.
- 2) For å tilpasse systema for samsvarsattesting av varegruppa «**SKORSTEINAR, RØYKKANALAR OG SÆRSKILDE BYGGJEVARER**» til den tekniske utviklinga, bør vedlegg 3 til vedtaket endrast.

3) Vedtaket bør difor endrast —

TEKE DENNE AVGJERDA:

Artikkel 1

Vedlegg 3 til vedtak 95/467/EF vert endra i samsvar med vedlegget til denne avgjerda.

Artikkel 2

Denne avgjerda er retta til medlemsstatane.

Utferda i Brussel, 8. november 2010.

For Kommisjonen

Antonio TAJANI

Visepresident

(*) Denne unionsrettsakten, kunngjort i EUT L 292 av 10.11.2010, s. 55, er omhandlet i EØS-komiteens beslutning nr. 98/2015 av 30. april 2015 om endring av EØS-avtalens vedlegg II (Tekniske forskrifter, standarder, prøving og sertifisering), se EØS-tillegget til *Den europeiske unions tidende* nr. 42 av 4.8.2016, s. 37.

⁽¹⁾ TEF L 40 av 11.2.1989, s. 12.

⁽²⁾ TEF L 268 av 10.11.1995, s. 29.

VEDLEGG

I vedlegg 3 til vedtak 95/467/EF vert følgjande oppføring sett inn i tabellen for varegruppa «**SKORSTEINAR, RØYKKANALAR OG SÆRSKILDE BYGGJEVARER**»:

Vare(r)	Tiltenkt bruk	Nivå eller klassar (brannmotstand)	System for samsvarsattesting
«Prefabrikkerte skorsteinar (element i etasjehøgde), røykkanalføringar (element eller blokker), skorsteinar med fleire vegger (element eller blokker), skorsteinsblokker med enkel vegg, modular for frittstående og veggfaste skorsteinar, skorsteinsletter	Til bruk som er underlagd reglar for yting ved brannpåverknad	(A1, A2, B, C)(*)	1
		(A1, A2, B, C)(**), D, E	3
		(A1 til E)(***), F	4

System 1: Sjå direktiv 89/106/EØF vedlegg III nr. 2 i), utan stikkprøvekontroll.

System 3: Sjå direktiv 89/106/EØF vedlegg III nr. 2 ii), andre alternativ.

System 4: Sjå direktiv 89/106/EØF vedlegg III nr. 2 ii), tredje alternativ.

(*) Varer/materiale der det på eit klart atkjenneleg stadium i produksjonsprosessen finn stad ei betring av klassifiseringa med omsyn til yting ved brannpåverknad (t.d. tilsetjing av brannhemmande middel eller ei avgrensing av organiske materiale).

(**) Varer/materiale som ikkje er omfatta av fotnote(*)

(***) Varer/materiale der ytinga ved brannpåverknad ikkje treng prøvast (t.d. varer/materiale i klasse A1 i samsvar med vedtak 96/603/EF (TEF L 267 av 19.10.1996, s. 23)).»